

OMUKWETU

No. 8

Registered at the GPO as a Newspaper

12c

SENEGAL

OONKUNDANA DHOKUSENEGAL

Okufika kovatumwa

Otwa lekelelwa mongeleka yaNiipa etine laJanuali 1976. Kapa pitile vali omafiku mahapu eshi twa fikama mOnandjokwe mOshoondaha 12.1.76 pamwe natate Kleopas Dumeni, omushamane tatekulu Mbwalu nomushingi wetu nokufiya po Namibia 14.1.76, notwa pitila muSenegal oku ke lihonga elaka lOshifulaanisha mu-Frankryk.

Okufika nokutamekelela oilonga osha li 22.11.76. Tashi ti okukala moilonga eedula mbali, ndele ngeenge hatu vale edi dokukala kondje, nena eedula nhatu.

Nghe ovatumwa va tambulwa

Ngeenge hatu popi Senegal inatu dimbwa kutya osho oshilongo omo mu yadi Ovamuhamedi, ovo tava longo kutya Jesus ke fi omona waKalunga. Moilongo yopamuhamedi etumo lopakriste ohali keelelwa mo ngaashi muMauritania nomwiikwao imwe.

Ndele Senegal osho oshilongo omo omalongelokalunga a manguluka. Tashi ti, Senegal oshi na oveta ya manguluka komalongelokalunga. Onghee omolwoveta ei nafye otwa tambulwa kepangelo. Ndele fiyo opapa ohatu longekida tu ka mone epitikilo lopaumwene. Otwa hala tu mone edimino olo mombapila.

Ehafo lovatumwa

Inatu shakenekwa koupyakadi unene fiyo opapa. Oupyakadi twe lipyakidila nao oo okulongekida onghalo yoshilongatumo mu-Senegal osho tashi longwa melongelokumweudafano nEhanganotumo laSoomi,


sha pila oshilongatumo

OMWIITEDHULULI O- MUSERERE TA LONGO YAKWAWO OKULESHA

nongeleka yetu. Oudjuu oo okuuda ko nokutambulako ovanhu ovo hatu longo mokati kavu, ngaashi ve li. Epulo lakula olo ashike eli ngehe tu na oku va etela onghundana yevaengeli.

Osho she tu hafifa moilonga yetu osho okutala ngehe omhepo yaKalunga tai ufana notai minikile ovanhu nevaengeli. Nonande ovanhu ove litala nokuli va itavela nale, keenghono devaengeli ovo ohave linyengifwa kulo, fiyo nokuli vamwe va tameka okwiitavela. Shikwao osho okunyamukula omapulo avo, noku va etela nghenda eshi va yepwa exupifo lemweno davo, ndele kave shi wete.

Oku va kwafa yo nekwafo lopaunamiti osho otashi hafifa unene, hasheshi tava vele, ndele omolwefilonghenda olo Kalunga e tu pa oku va talaleka mouyehame wavo wokolutu.



Omatavelo amwe muSenegal

Oku na omatumo e fike pomulongo 11 namahapu okwa dja kuAmerika. Aeshe oo omatumo opaPentekoste, hano ovashashululi, ngaashi tava ifanwa mOshifulanisa "Baptiste".

Paife oku na omatumo OvakwaLuther avali, eli letu nalimwe la dja kuAmerika: Aeshe oo oku li petameko loilonga yao. Inaa dika manga eengeleka nande opu na ngoo ovo ve na omukalo umwe u lili okudika ongeleka ovo "The Assembly of God" nokutya "Eongalo laKalunga". Kuvo okudika ongeleka oshipu, shaashi kesho oo a shashwa nena oye ta ningi ongeleka, vo ove na nale ongeleka yamanguluka naavo va shashwa ovanini. Ashike etumo eli olo limwe la longa oikumwifa moshilongo, shaashi oli na ovaitaveli vahapu.

Tala kep. 6

"Ngele nenge" ya S.A. otayi fala Namibia peni?

Sho pwa li pwa tegamenwa koyendji moshigwana shika kutya ehogololo lyaayehe metonatelo lyiigwana yaha ngana masiku lye ya li kuthe omasipa pokati koombwa, "ngele nenge" momaipulo gepangelo lya S.Afrika oya vongola oshinima ashihe.

lifo iyali yomuAmerika "New York Time" naWashington Post" yeti 7.3.1979, oya tumbula iitsa yimwe yomomaumbanda nomalimbililo gepangelo ndika ngele tali zimine ehogololo lyaayehe.

■ Swapo ta ka longekidhwa nawa ku VVO, opo a kuutumbikwe koshipundi shepangelo, nenge

■ okamba yaakwiita ya Swapo ndjoka ya ziminwa ku VVO yi kale wo meni lyaNamibia pethimbo lyehogololo, otayi ka kwatha owala aakwiita ya Swapo yopondje ya lumbakane mumwe, nopamukalo nguka otaa indjipaleke omawi gawo gehogololo notaa sindana, nenge

■ Ehogololo pamwe oli kwathe owala Swapo a taneke oonkondo dhe koongamba dhoshilongo, nenge

■ Ehogololo okweetela owala Swapo esindano okuya koshipundi, wo uukomunisi tau kala ihe wa langela S. Afrika molwaanda lwe.

Miitsa mbika pamwe nayilwe wo inaayi hololwa mpaka, S. Afrika okwa li i indile Amushangandjai gwa VVO omusamane Kurt Waldheim opo:

■ meni lyaNamibia mwaa kale nando okamba yimweyimwe ya Swapo

■ ookamba dha Swapo dhi li miilongo yopuushiinda dhi kale tadhi tonatelwa ketanga lyombili lya VVO.

litsa mbika iyali sho inaayi ziminwa, S. Afrika okwa tindi okushaina euvathano lyemweneko lyiita.

Euvathano lyemweneko lyiita manga tuu inaali shainwa, nena oyendji oshe ya yelega kutya: euvathano ekwawo olyo lya shainwa — euvathano lyiita — nonando lyo ihali tumbulwa po pompito ndjika.

Sho shika oshu ukitha ihe onakuyiwa yoshilongo peni?

Opu na ngaa oData (DTA) tayi igidha pombanda omasiku ngaka kutya oonkundathana nadhi hulithwe po ndhoka dha kala pokati ka VVO nepangelo lyaPretoria, nepangelo lyopakathimbo nali tameke mbala muMai tagu ya.

Uumbanda maantu yoshilongo shika nomuuyuni auhe, owa penduthwa owala komapulo taga landula, ngoka itaaga mono nuupu eyamukulo:

■ Olye ta vulu we okumweneka etiko lyombinzi moshilongo shika? Olye we ta vulu okuhanganitha iigwana nomihoko moshilongo shika ndhoka uutondwe wadho wa adha onkatu yopombanda, opo dhi itale oshigwana shimwe shi na elalakano limwe nomukumo gumwe? Nolye we te eta po uuthikepamwe maantu mbaka ya tongolwa nowino?

Omayamukulo komapulo ngaka ogo ga li gi inekelelwa ligwanahangano (VVO), mbyoka oyo ehanganu lyuuyuni li shi pondole andola, konima sho sha nyenge nale S. Afrika uule womimvo 60. Nena S. Afrika a nyengwa ishewe nani okugandja ompito kehanganu ndika.

Osho ihe shoka DTA a hala okwiikuthila shi ninge oshinakugwanithwa she. Okanona taka lilile ekala lyomulilo. Na pewe tuu a yekelele?



Amushangandjai Kurt Waldheim ngoka ta pewa ondjo kepangelo lya S.Afrika kutya oye a yono euvathano lyombili mOnamibia.

BISHOFI KAULUMA A INDILILWA OMHITO

Omumbishofi waAnglikana muNamibia, James Kauluma omafiku a dja ko, okwa popilwa ko komahanganu avalu manene eengeleka mounyuni, opo a yeululilwe omhito yokuyandja ediladilo leengeleka domuNamibia kombinga yomukundu woshilongo eshi.

Omahanganungeleka avalu ongongahanganu yOvakwalutheri mounyuni nOraata yEengeleka mounyuni, ova ninga eindilo loukumwe kOmupresidende wOraata yeameno ya VVO, omushamane Leshi Harriman waNigeria, opo a yandje omhito komubishofi Kauluma a yandje ediladilo laye ponhele yeengeleka domuNamibia omolwemanguluko loshilongo eshi.

Omubishofi Kauluma oku li omupresidende wEengeleka da hangana muNamibia. Ehanganu eli ola dikwa omudo wa dja ko 1978.

Omupresidende wOngongahanganu yOvakwaluther, Dr. Carl Mau naHamushangandjai wOraata yEengeleka mounyuni Dr. Philip A. Potter ova uda onya neenghono omolwonghalo ei ya taalela paife Namibia tai shindi ombili younyuni neameno lomunhu.

Ovawilikingeleka ava ova pangula neenghono oukwatya wokushaina emweneko loita muNamibia, osho yo onghedi ya S.Afrika okuponokela oilongo yamanguluka yopuushiinda.

Ovawilikingeleka ava ova yandja epopilo lavo lomadiladilo komubishofi Kauluma eshi a tumbula ko omushangwahokololo wa Dr. Kurt Waldheim okumangulula Namibia.

"Fye otu ku li kombuda omubishofi Kauluma notu li kombuda yOraata oyo u lile po muNamibia", osho va ti.

(APS)

Kehe ngoka tu uvu oohapu ndhika dhandje note dhi gwanitha, oye ta yelekwa nomulumentu omunandunge a tungile ongulu ye kemanya. Omvula nge tayi ya tayi tilehi efundja, noombepo tadhi pepe po ongulu ndjoka, itayi kumuka, oshoka oya tungilwa kemanya.



Ihe kehe ngoka tu uvu oohapu ndhika dhandje, ye ite dhi gwanitha, ota yelekwa nomulumentu egoya a tungile ongulu ye pehekevi. Omvula sho ya tilehi efundja lye ya, noombepo dhi itsu mongulu ndjoka, oya kumuka po nekumuko lyayo olya li enene.

"MUHANGENWA IHA SINDI"

Osheendo shaantu ye vule po 40 yongundu yookuume kEtumo megongalo lyOshitayi, okwa li ya thikama meti 10 Maalitsa 1979 okuya kepyatumo kOnankali,

opo ye .li helele. Ongundu ndjika oya thikama maasamane, aakulukadhi aanona naagundjuka, ooyene yomikunda naayevangeliste nosho wo aakuluntugongalo.



Ou shi sho sha ningililwe epya ndiya?

Epya lyo lyene ngiika ka kwa li lye shi yaguma kutya mesiku ndyoka otali ya li pewe shalala, oshoka olya homonenwe moshikando, e tali itaale okonda. Olya hahalelwe kaashitayi, ngaashi mu ya shi kutya ihaye ya pokuma ya thige po inaa-pu lala.

Aanyaanya nayo wo oye etele ko oshipala molupe lwatate nameme Imene nomulongi gumwe. Mwene gwoshikandjo, omusamane F. Andreas Uukule nameme gwe Leena Uukule, oye etele ko oshitemo — Muhangwenwa iha sindi.

Ilonga okwa li ya pupalekwa unene koon-djimbo nokoondjola dhenyanyu. Omolwohole neigandjelo moshilongatumo, aantu oya vulu okulonga ngaaka nuupenda.

Okwi ile wo Aanandjokwe yamwe, mboka kwa li ye ende pamwe nameme Christine Eriksson nosho tuu meme E. Witting (Gwiipinga) nomusamane R. Kaarto. Opwa li nee omafano taga pu oofilima mpee! Manga oshihomo shookayego kwa li tashi popi, ye omusamane lihuhwa nameme H. Ingula oya li taa tu tungile oonkondo dhamagulu-iishama yi wape okutaagulukwa, ombinzi yi pupyale, go taga umbwa nduno.

Onda dhimbulula kutya nani ope na ompito yokudheulila aanona miilonga yetumo, oshoka olufo nduka olutitatu kaashitayi, sho twe ya longitha ngeyi mepyatumo. Aanona yetu kOshitayi ngashingeyi oya pyokoka miilongayakulo mbika.

Tate S. Kweyo oye kwa li e tu pe ekwatho lyosheenditho okuya ko nokugaluka ko.

Longeleni Omuwa nenyanyu Eps.100:2. Longa uusiku tuu ya, longa wa meneka.

T. Ngula

Mefano pombanda omusita gwegongalo lyaShitayi Titus Ngula a leka etemo taa kunda-thana nomudiakoni gokOnankali Abisai Iuhwa. Mefano pevi egongalo lyaShitayi otali longo ondjambi mepyatumo.



OMUKWETU TA KUNDATHANA NOMUMBISOFI KLEOPAS DUMENI



Muuwilikinge-
leka onda ka-
mbadhala oku-
longa notandi
ka tsikila owa-
la kushono ha-
ndi shi ningi.
Otandi ka longa
pakotampa-
ngo pamwe
naamboka ye li
miilongayaku-
lo twa kala ha-
tu kwathatha-
na nayo. Edhi-
na lyuumbisofi
halyo tali lundu-
lula okulonga o-
shilonga — Du-
meni.

Ombimbeli omolwoshilonga. Oshilonga tashi gamene omuntu, oshu udha wo o-mayambeko.

Omaudhigu: Omuntu oto nyengwa oku-kwatha ngaashi sha tegelelwa. Pamwe otashi zi muunyengwi pamwe okuhepa-lelalela - to hepa. Ando pamwe hashi-longa ngiika andola ondi li palwe no-nyiika ando palwe otandi hupu nawa palutu, ihe shika kashi na oonkondo.

Omukwetu: Owa longo peni sho wa yapulilwa uusitagongalo?

Omumbisofi: Sho nda yapulilwa uusita-gongalo 1959 onda longo megongalo lya-Tshandi sigo 1961. Momumvo 1962 onda tumwa kokersesa yaagundjuka kuAmerika. Onda yi mOuniveesiti yaMinnesota. Ihe konima yoshikako shimwe nda pita, ngame andola ndi tsikile ongeleka oyi ithana ndje ko aniwa onda pumbiwa, o-po ndi ye koshilonga shaagundjuka. Onda galukile omumvo ngoka kuTshandi, mokupitila kOsoomi. Onda yi kOniipa hoka nda li nda pewa oshilonga shuuhamushanga wOmumbisofi nomudhiginini gwiiniwe yongeleka, pamwe noshilonga shaagundjuka 1963. Pehulilo lyomumvo onda shuna koTshandi. Momumvo 1964 onda yi kuElim sigo 1966.

Omumvo tuu ngoka onda langekwa megongalo lyaShakati nonda kala nokuyakula egongalo pamwe noshilonga shaagundjuka ngaashi wo muElim. Megongalo lyaShakati onda yakula mo sigo 1972. (Omumvo 1973 okwa hogololwa a ninge Omupehawilikingeleka nomumvo 1976 okwa hogololulwa a kale natango Omuwilikingeleka.)

Omukwetu: Owa dhimbulula shike oshawanawa sho wa longo mokati kaagundjuka?

Omumbisofi: O. oshilonga shomaagundjuka oshilonga shimwe shoka ndi shi hole noonkondo na onde shi igilila unene, sha zile mpoka sho aagundjuka ye hole miigongi yawo, nando itashi ti onda kala noku-gwanitha iilonga. Uwanawa umwe owa zi mpoka sho tandi longo mokati koshigwana - aagundjuka yoshigwana shandje.

Omukwetu: Owa hokana. Ou na aanona yangapi?

Omumbisofi: Ondi na aamati yatano naakadhona yaali.

Omukwetu: Omulumentu wa hokana noshilonga shuusitagongalo - ou uvite ngiini?

Omumbisofi: Otandi shi tumbula nomukumo kutya omukulukadhi gwandje oye e li ekwatho lyandje miinima ayihe. Meme Aino oye e li ekwatho lyandje palutu nopambepo - omusita gwandje.

Omukwetu: Ou uvite ngiini sho wa hogololwa u ninge omumbisofi?

Omumbisofi: Ondi uvite uudhigu. Onda hogololwa, hangame mwene nda kongo

Omumbisofi, owa valelwa peni nopeni wa putukile?

Omumbisofi: Onda valelwa mOmbalantu omukunda Oshituku megongalo lyaNakayale.

Omukwetu: Eputudho lyoye olya li ngiini? Owa li wo omusitangombe ngaashi aamati Aawambo konyala ayehe haakala?

Omumbisofi: Onda putuka naanaa ngaashi aamati Aawambo (muNamibia) nokuninga ashihe shoka hashi ningwa kaamati; okulitha iimuna osho wo okuya kohambo.

Omukwetu: Owi ilongo peni napeni mangana inoo ninga omusitagongalo?

Omumbisofi: Ondi ilonga moosikola dhaanona kOnawa mOmbalantu sigo okoNakayale, hoka wo nda hiti Osikola yAamati. Omumvo 1950 onda taambelwa mOseminali yaNiipa, konima sho nda mana Osikola yAamati. Onda piti uulongi 1953 mOniipa. Onda longo 1954.

Omumvo 1955 onda yi kOsikola yUusita. (Okwiilonga wo mopoosa nokwa adha odiploma muuteologi)

Omukwetu: Unake wa dhiladhila oku-

ninga omusitagongalo na oshike she ku thiminike?

Omumbisofi: Ngame mwene inandi shi dhiladhila na kanda li nde shi hala onde shi thiminikilwa; onde shi tidhilwa. Pethimbo ndyoka Titus Heita oye a li omusita, oye nduno a li ha tumwa kungame yo naSaarinen, aniwa nandi ka ninge omusita. Onda li nda kambadhala okuhenuka ngaashi tashi vulika. Kapwa li pe na sha ndi shi oku shi tumbula shoka andola sha thiminike ndje okuninga omusitagongalo.

Oshinima onde shi etelwa sha za pondje. Moku ka tameka opuwo onda taamba ngaa nee eithano. Ihe paushili inashi tameka mungame.

Omukwetu: Owa kala wu uvite ngiini moshilonga shoye shuusitagongalo - omauwanawa nomaudhigu we ga tsakaneka mo tuu?

Omumbisofi: Omauwanawa oge li po o-gendji. Onda koneka kutya okukala omunashilonga otashi ku gamene, oshoka ou uvite kutya ou na okukala oshiholelwa shaamboka to yakula. Onkene oto kambadhala, nando ito vulu, opo wu kale oshiholelwa shaamboka to yakula. Ishewe mokwiilongekidha iilonga yoshilonga, otashi ku kwathia, ngele okulesha

Oonkundathana dhomumbisofi nOmukwetu

oshilonga shika. Uudhigu ou li mpaka sho ongeleka yi inekelele ndje oshilonga mehogololo, ihe ngame ondi shi shi otandi nyengwa okutsakanitha oshilonga, opo shi kale eyamukulo kompu-bwe neinekelo lyaahogololi. Ondi we-te einekelo opo li li, ihe uunyengwi opo u li wo mungame.

Omukwetu: Owa hala oku ka longa shi ke? Openi to ka gandja omuthindo?

Omumbisofi: Edhina lyuumbisofi halyo tali lundulula okulonga oshilonga. Moshilonga shUuwilikingeleka shoka nda kala onda kambadhala okulonga, tashi ti otandi ka tsikila owala okulonga shoka nda kala handi shi ningi naashoka nda pewa. Itashi ti sho nda pewa edhina lyuumbisofi onda hala oku ka lundulula iinima. Otandi ka longa pakotampango nopamwe naamboka ye li mil-longayakulo notwa kala hatu kwathathana nayo.

Omukwetu: Oto dhiladhila ngiini komutungilo gwa ELOK elelo lye pamauthompango nEkotampango?

Omumbisofi: Shoka oshinima shOshigongingeleka noshoshilyo sha ELOK kehe. Oshoka okambo kOmauthompango nEkotampango otaka landwa komukriste kehe noku na ompito okuholola omadhiladhilo ge miinima mbyoka e we-te inaayi opala. Shoka tatu landula notatu lalakanene oku shi tula miilonga, oshoka sha tokolwa kiigongi ya piti. Shi ka itashi ti ando Ekotampango nOmauthompango ga pu ihe, omalunduluko natango otaga tsikile ngaashi taga etwa po komuntu gumwe nenge kongundu yontumba. Osheetwapo oshi na okufalwa kokangundu kOmauthompango nEkotampango hoka taka fala kOshigongingeleka. Oshinima kashi na eutho lyomuntu gumwe, ihe uudemokoli notau longithwa pawiliko lyOmbepo Ondjapuki nokwiikwatelela kOmanyolo omayapuki

(Ombimbeli), ngoka ihaaga puka nogo Ekotampango lyongeleka yaKristus.

Omukwetu: Oshilonga shongeleka pethimbo ndika oto dhiladhila oshi na okukala shini?

Omumbisofi: Oshilonga shongeleka otatu dhiladhila Jesus Kristus; ukriste wu na omwenyo wu taandelithwe mokati kooyakwetu nokaamboka inaaye wu taamba. Mpaka otatu dhiladhila omuntu aguhe. Itatu dhiladhila owala euvitho lyevaangeli, okukwatha omuntu pambe-po, ihe nopankalo ye ngaashi omuntu e li. Omauthompango ga ELOK otaga ti otu na okulandula iilyo yetu shaa mpoka yi li, ngele omiipangelo moondholongo kondje yoongamba nosho tuu.

Omukwetu: Oto dhiladhila ngiini kombinga yongeleka nepangelo? Ongeleka inayi itula mopolotika ngashi yamwe haa ti?

Omumbisofi: Oshinima shika ihandi shi uvu ko kutya ongeleka inayi itula mopolotika, oshoka ongeleka oshike. Ndishi opolotika (staatkunde) otashi ti okutseyaya oshilongo. Omukriste omukwashigwana ngoka e na uuthemba okutseyaya iinima yoshilongo shawo. Ngele Ekotampango lyongeleka yetu otali ti: Ngoka e lile po ongeleka ota popile ongeleka moveta shaa tuu pe na iinima tayi gumu iilyo yongeleka; ngoka e lile po ongeleka oku na oku shi popya pamauthompango okulombwela epangelo. Ngoka ta ti ongeleka inayi itula miinima yepangelo ke shi oshilonga shongeleka.

Shimwe shomiilonga yongeleka: okulondodha nokupukulula epangelo noku-popila iilyo yongeleka mepangelo. Mboka taa gumwa kiinima yuupolotika iilyo yongeleka, onkee itashi vulika tu kale itaatu ya landula.

Taku tsikilwa



Meme Aino Dumeni

OTWA DJALEKWENI, INATU TILA

Tu kaleni moilonga yOmwene tu na omukumo neyombamo. Tu na eitavelo la pama, osheshi otu neni ondombwedi ya pama oyo Omhepo Iyapuki.

Otwa pewa notwa djalekwa oilwifo ya pama iyapuki kuKristus mwene. Oikondjifo ei twa pewa oyo eendjovo daKalunga, eitavelo, Ef.6:10-17.

Tu longifeni eeshalinghenda twe di pewa omaano, osheshi omuyandji weeshali edi ota ka aluka e tu dimbule moilonga nomounyuni weefina nomaluhodi.

Otu shi okwiimbini yo eimbilo "Omhepo pendul' ovamwoye. Ongaashi nale we shi ningile"

Ev. Josef Kaulinge

Oshigongingeleka shaDese- mba 1978 mu- Elok shoka sha hogolola omu- mbisofi Dumeni shi li miipundi.



Senegal sha pila etumo

Dha za kep. 1

Oshiilikanenwa shinene

Oshiilikanenwa shinene osho "oshivelo sha yeulukila evaengeli muSenegal". Ope na emanguluko nombito yokuudifa evaengeli muSenegal. Nomufindo ou na okutulwa meudifo levaengeli (Evangelisation). Nopo nee omikalo adishe diwa otadi dulu okulongifwa, opo evaengeli li fikifwe diva kovanhu, manga oshivelo inashi fita po.

Onghee ohatu shiivifile ovaitaveli va ilikanene emanguluko-mhito ei manga inai fita po, vo va ilikane vali iha fite po, fiyo aveshe va hangwa kevaengeli loshilongo shaKalunga.

Oiimati yoshilongatumo muSenegal

Osho twa longa po kekwafo laKalunga osha eta oiimati nale nokuli. Oshilonga eshi osha tamekwa 3.4.74 kovatumwa votete Ovasoomi, ovo va fika kuSenegal, ndele mefiku 4.5.77 omo ovashashwa votete va shashwa. Moule weedula 77-78 mofikola yokulihonga okushanga nokulesha (Alphabetisation) ounona 360 ova shiiva okulesha nokunyola.

Ofikola otai twikile mewiliko laFeelani M.B. Sandvick. Omambo okwa nyolwa melaka olo nosho Ombibeli otai lundululwa mOshiserere. Evaengeli paMateus oli li koshinyanyangido nola teelwa. Ombilive kOvagalati, noshoyo Ombilive yotete yaTimoteus oda lundululwa mOshiserere. Okatikisa oka pwa okulundululwa nale, noka nyanyangidwa nokuli.

Moule wodula 78, kakele kofikola nexupo leendungo 31, inapa ningwa eshasho fiyo opexulilo lunga. Ndele modula oyo tuu oyo muNovemba, ovalongwa vahamano ovamati ova shita ofikola yeshasho yotete moFatick, ostasie onhivali yetumo letu, oyo ya dikwa po muDesemba 1977.

Ndele mhanga inava tambula eshasho omolwetukauko la ningwa mehanganano olo "Assembly's of God" eshi ovanhu ve fike 1500-2000 va tokola okuninga ovakriste. Mokati kavo omwa shashwa mo ovanhu 21 muDesemba. Pamwe onawa ngenge monomola imwe yOmukwetu handi ka yelifa nawa epulo eli.

MuFatick eshasho lamo lotete ola ningwa 11.3.79, omanga inatu djako la tetekelwa keshasho lokuMBunr 4.3.79, omo mwa shashwa omukulukadi nounona vavali.

Moule wefimbo olo twa kala ko ovanhu 32 ova tambula eshasho liyapuki. Nongee-nge olo elalakano lexumo okulonga nokushasha, Kalunga na hambelelwe keenghono daye.

Omhumbwe yeyakulo lopaunamiti

Eyakulo letu lopaunamiti olo olixupi paife, nande otwa kwafa opo hatu dulu. Kape na elongekido mangha la yela. O-

mundohotola Helen von Schantz okwa talela po epyatumo kuSenegal nelalakano okukonakona eemhito deyakulo lounamiti nediko loshihakulilo. Paife otwa teelela omundohotola oo te uya okudika oshipangelo. Ope na okwiindilwa ediminino kovahakuli, opo va mone oufemba wokuha-kula nepitikilo lokulonga mwinya.

Medikopo loshipangelo, eshi otu na omhumbwe yovahakuli vatatu. Osha tengenekwa ngeno shi kale moilonga diva pamwe 1981. Naali olo epulo lakula li li mokwiilikanenwa notali pula eilikaneno leni yo ovaleshi.

Eputuko IOvasenegal

Oshiwana shOvasenegal osha putuka unene mokuyeleanifa nafye melongo. Nonande epelesenda di fike 25%-30% ashike odo di shii okulesha nokunyola pavalulo nda mona xuuninwa. Ovagalimo moshilongo ove fike peemiliyona 5. Osho naumwe. Omadina avo ovo: Stig-Olof



Aatumwa meme natate Heita nokasheeli kawo Rakkell. Selma Lawanifwa okantoweke kake mo methano.

sha yela oshosho kutya navo yo ove li mondjila yokuya meputuko.

Omaxupilo Ovasenegal

Senegal oshi na odula ihapu mokuyeleanifa nafye. Ovanhu ohava xupu mokulima omapya, unene tuu eembundufukwa odo di li oludja lotete lokulikolifa oimaliwa. Ohava lifa eengobe, oikombo needi. Omaxupilo oshilongo ashishe okwa kanghama keembudufukwa.

Ovo tava longo mepyatumo linya

Otu li ko ovatumwa 13 ovakulunhu nounona kumwe 14. Pehulilo lodula ohatu ka kala ko ovakulunhu 18 nounona kaimba 18. Onda hala shi yelee nawa ovaleshi vOmukwetu, kutya Ongeleka ya ELOK otai longo oshilongatumo pamwe nEhangano tumo laSoomi muSenegal meudafano lokulongakumwe pamwe.

Fye ava twa dja kuNamibia otwa kala ko vane kounona, naavo Ovasoomi omulongo

Fernström, Kristina Fernström nounona vavo vavali Ben-Olof naKaarna Fernström. Göran Särs naAsta Särn nounonna vavo vatatu Ruhne, Kose naEmma Särs, Seppo Rantsi naAiri Rantsi nounona vavo vavali Riika naJuusi Rantsi. Oku na yo okakadona kedina Britt Sandvick. Okwa shikula vali Lassus naBritta Lassus nounona vavali Juhan naMikael Lassus. Taku ya Paulus, Fiina Rakel Lawanifwa naSelma Laudika Heita. Nopo nee Erkki Helminen neumbo laye.

Etumwalaka kovalesshi aveshe

Etumwalaka tu na olo eli kutya oshilongatumo mepya lokuSenegal osha yeulukila Ongeleka, nepya ola hala okuholola oiimati yalo. Onghee otali pula tete omailikaneno OvaELOK momaongalo aeshe. Otali pula ovo tave litokolele meifano IOmhopo Iyapuki va ye ko, va ka longe, ngaashi omalufu nopamaindilo nongaashi eemhito tadi ke shi pitika. Nena nokuli ovahakuli vatatu va pulwa vaye ko vaka longe oshilongatumo.

Omupangi olyelye te twiileko? Otashi pula yo okukwafwa kOvaElok. Ovalongi, ovahakuli, ovanangeshefa, ovashingi, ovanambelewa, ovafita, ovanyasha, ounona, ovafitavoimuna, ovalimimapyia, ovaunguli nanye ovakriste amushe, ongeleka yeni ngaashi ya tameka nale okulonga oshilongatumo meni ledu letu, osho nee sha kulu fiyo oSenegal.

Eshi sha yela oshosho kutya itashi piti omanga pehe na ekwafo leni tuu nande. Natango ngeenge hatu tale monghome yaAfrika oiwana ihapu inai uda natango etumwalaka eli levaengeli. Fye otu na okuyelula omesho etu tu tale ngehe ve na okuudifilwa. MuSenegal omu na yo omihoko dihapu natango odo tadi pula evaengeli.

OoHeita otava ka shuna diva

Efudo letu oli na ashike eemwedi nhe, nokonima otu na okushuna pexulilo laJuli, opo tu ka twikile oilonga yetu. Epangelongeleka ole tu pa onhele yokufudila kuTsandi, Uukwaluudhi.

Swapo okwa dalwa komahepeko

AALESHI TAA NYOLA:

NGENO OSHO SHA NINGILWE NGENO SWAPO INA DALWA

Medu eli otamu longwa oixuna mwa kwatelwa omadipao oo a divilika. Omu na omalundilafano a kwata onghama. Omudipai wetu a mana mo nokwa pyokoka opo e li. Ondi shi shii efimbo otali ke uya opo e liholole. "Oumbudi ihau yofwa."

"Kape na osho sha holekwa itashi ka holoka," osho omishangwa diyapuki tadi tu lombwele.

Otu na oiholelwa iwa paife. Oiholelwa ei ya holoka po, elelo letu eshi le litukula moupambungudu nande lo limwe. Paife otali linyaneke nee pomutnya, shaashi efimbo ole uya.

Nge hai yandje oshihopaenenwa shimwe, ovo mwa lesa oshifo "Die Republikein" sheti 2.2.79, pepandja lotete omwa didilike sha. Oshilyo shimwe oshifimanekwa sho DTA osha popya mo eendaka da tokoka. Omufimanekwa ou okwa popya oshili pouyelele. Okapopiwa oka li noshipalanyolo eshi: "AKTUR oyo ya tela ovanhu vahapu mo SWAPO".

Okwa holola kutya oAktur oya longa oilonga mepangelo lomoikandjo ngaashi mo "munisipaliteite". Ovalongi vokodalate ova ya mo SWAPO shaashi va patelwa meekomboni nomolwoundjabi vanini.

Okwa holola ngehe oAKTUR ya nyengwa okukala pamwe noshipa shilaula". Mokapopiwa kaye omufimanekwa okwa holola ngehe oDTA tai longo nawa. Eshi oshikumwifa unene ngeenge omunhu oshilyo sho DTA oyo i li omona wo AKTUR ta popi oinima i fike apa.

Epangelo Iowambo omo mu na omufimanekwa Tara Imbili oshilyo, oli na ovalumenhu novakainhu vomoshiwana ve na oipute noivadi ya ninga oidja omolwomapokolo va dengwa komatako shaashi tava popi omapuko epangelo ngaashi yee te a holola paife.

Otu na ovakwashiwana ootate, ootatekulu novamwameme ve li moukwatwa (moupongekwa) shaashi tava lombwele epangelo eendjovo odo tuu odo da popiwa komufimanekwa Imbili. Sha yela kutya epangelo ohali dengele ovanhu oshili nalo li i wete noli i shii.

Mboli oilyo ihapu yomepangelo oya li ya teelesa pa holoke o DTA opo i popye oshili. Osha yela kutya nayo otai li tai pi kepangelo omo i li oilyo.

Ova didilika kutya oshike sha etifa o-SWAPO nande vo va hala okudipaa po o SWAPO. Onawa tete taku dipawa oshheetifi, opo nee o SWAPO tai landula ko. Ombedi onaukelo, ngeno osho sha ningilwe petameko ngeno o SWAPO ina

i holoka po. Eshi wa kuna osho to ka teya.

Omufimanekwa, ou li mondjila nande wa fiya ko oinima imwe oyo ya ifa noya nyanyalifa ovanhu onghalo yokodalate. Ongaashi omadengo mai, okudipawa omudimbaholeka, okutelekelwa oingulu.

Ova tekulilwa eembwa doku va lya nge tava pula oufemba wavo. Okuhepekwa nomikalo di nyanyalifa tadi tu ondubo nonghalafano yopanhu. Ongaashi esheko nomutyanai woshipa shilaula. Omukalo wouhona "BAASSKAP", Dimbulukwa yo kutya ovalongi vodolate havo aveke va ya mo SWAPO.

Onawa o DTA eshi i shii oshheetifi sho SWAPO. Hano OSHILI ihai lunduluka. OSHILI oyo OSHILI noya kala OSHILI notai ka kala OSHILI. Ovalanduli voshili ovo alushe hava findana. Hano oipupulu, ekengelelo, epofipaleko nelundilafano otai eta alushe oimati yohoni, eshunduko nexutuko nokuli.

Jonas H. Mweutota

KAMPALA:

Epangelo lyaldi Amin ould Dada oya gu ko koshipundi sho lya kondjithwa kaa-kwiita ya Tanzania pamwe naakwiita yoshipotha ya Uganda mboka ya ka holamene mu Tanzania.

Amin okwa lela Uganda omimvo 8 sho a gwitha ko omupresidende Milton Obote 1971. Aantu yomayovi gomathele oya si pethimbo lyelelo lya Amin.

Omuprofesoli mOsikola yokombanda ya Makerere mu Uganda, Yusufu Lule oye a kuutumba koshipundi pamwe niilyo 14 yokabinete.

Inaku tseyika nawa natango Amin okwa yi ontuku koshilongo shinipo. Ihe oonaku mu landula oyendji oya ka holama epangelo epe kuKenia.

Iilongo oyindji ya Afrika nayimwe ya Europa oya yalula nale epangelo lya Lule.

MAHLANGU KOHAKI

MuS. Afrika Solomon Mahlangu okwa tulwa kohake pwa na ohenda nando uuyuni wa kondjo osima oku mu hupithitha andola. Ondjo ye oya za moshiponokela shi na sha nemanguluko lyoshilongo, sha ningilwe 1977. Aantu yaali oya li ya sile moshiponokela shoka. Mahlangu naye opo a li peponokelo ndyoka.

Uuyuni auhe owa li wa gandja omatumwalaka nokuthenga peke komupresidende gwa S. Afrika, a holole ando olukeno lwe kuMahlangu, ihe inashi kwatha sha.

Meni lyoshilongo namo omwa zile wo omawi ogendji opo kegonga kuye oshigongati. Pethimbo lyeso lye, aagundjuka yomathele oya kala ya thikama pondje yetungo ndyoka taa imbi oondjimbo dhemanguluko.

OLUHODHI

MAANDJALYAANGULA

Opaasa yonuumvo inayi kala unene oshiwike shegundjilo kaanegumbo lyatate Efraim Angula omolweso lyombaadhilila lyomwana gwawo osheeli Ono Filippus.

Ono okwa dhipagwa ongulohi yeti 6/7.4.79, pashifonkundana Die Suidwester 7/4/1979 nombistoli yonomola 9-mm, mOshakati popepi negumbo lye. Edhipago olya ningwa manga omusamane lyaAngula e li molweendo lweuvitho lyevaangeli mUushimba, hoka i ithanwa onkolokolo manga efumviko inaali ningwa. Kuku Maria awike kwa taamba onkundana ya tya ngeyi ondhigu.

Edhipago lyaOno olya gandja moyendji yomomudhingoloko gwe omalimbililo, no-taa ipula:

Omolwashike inaapu ningwa ekonakono lya kwata miiti ngaashi sha ningwa poopito odhindji?


Omolwashike inaapu tumbulwa iikuti yOshirusia nonando okwa tseyithwa moradio kutya edhipago olya ningwa kiikulo?

Efumviko olya ningwa mOlukonda, megongalo lyaakuluntu ye, komumbisofi omukuluntu gwa Elok, Dr. Leonard Auwa. Mehekeleko lye kaavali nokaakwezimo omumbisofi okwa lesa ndhika:

Kalunga okwe tu valululile etegameno li na omwenyo, onke hamu li nyanyukilwa nando ngashingeyi tamu nikithwa uuthigwa okomamakelo ogendji (pa 1Petr.1:3-9 ihe hapashitya).

"Tate lyaAngula ngoka a koleke eitaalo lyoyendji muNamibia alihe neuvitho lyevaangeli, oshoka oye wo omwiitaali, Kalunga okwa zimine ngeyi satana a longwe mo famili ye eitaalo lyawo li yelithwe;" osho omumbisofi a fatulula ngeyi pafupi ohapu e yi lesa.

Nakusa okwa li omugundjukalela gwomimvo 36, a hokana noku na aanona 3.



ETAANDELITHO LYEVAANGELI

Mongeleka ya Elok omu na ngashingeyi opolograma yetaandelitho lyevaangeli molupe lwomawi nosho tuu momafano (Audio-visio Programme).

Mpaka oto tseyithilwa shono to vulu okwiilandela po u landule nawa oshilonga shoka. Pamukalo nguka oto koleke wo etaandelitho lyevaangeli mOngeleka.

OSHINYANGA SHOMAFANO NOSHOMAWI MONGWEDIVA, OTASHI YAKULA OMAGONGALO NIILYO YONGELEKA. OTU NA OONGALO (GASSETTE) DHOMAWI GI ILI NOGI ILI NGAASHI:

ETEMBU LYAKUKU GWAMUTSE LYA KUNDANWA MONGELEKA

Efolo Luise Laurmaa, opwa kundanwa omasiku ngaka mOngeleka ya Elok kutya okwa hulitha oondjenda dhe eti 28/2/1979 muukokele womimvo 89, muSoomi.

Nguka oye omuselekadhi gwomutumwa omukulu mpaka mu Elok, omusamane Erkki Laurmaa (Lehto) nenge "Amutse" ngaashi a kala a tseyikila medhina ndika noya longo okuza 1912 sigo 1921. Opo ishewe konima oya ka galukila moshilongatumo shawo okuza 1924 sigo 1931.

"Aakulilwa yOmuwa osho taa ka galuka ko, taa ka ya kuSioni nokuligola ye na enyanyu lyaalube tali tengelele komitse dhawo. Uuyamba nenyanyu taye ke li mona ko, oshimpwiyu neyemato tali yi ontuku." Jes.35:10

SCHULTE E TU FIYA PO

Omushamane Paul A.L.Schulte okwa xulifa oweenda waye 3.2.1979 muNdowishiland.

Omushamane Schulte Omundowishi okwa longa pamwe novatumwa Ovashoomi mOukwanyama mEngela. Okwa kala melundululo lEtestamendi Lipe lOshikwanyama, osho yo okwa kwanyameka omaimbulo mahapu.

Okwa longa yo mOushimba mokati kovanailonga nokwe va kwafa nekwafo kali fi ku dimbiwa.

Okwa xulifila moukokele womido 74. Eteelelo letu oli li mwaa u a nyumuka koufi 1 Petr.1:3.

1. "HAMBELELENI OMUWA" EIMBILO LYOMAMBO KOLUKONDA EUVITHO OMUMBISOFI L.AUALA
 2. "NATSE WO TWA KULILWA" EIMBILO LYOMAMBO OMAIMBILO M.H.ENDJALA
 3. "JALOO JESUS" OMAIMBILO M.H.ENDJALA
 4. "OHAPU YAKALUNGA TAYI LONGO" OTUNDIMBIMBELI E. ANGULA OMAIMBILO M.KAMBUDU
 5. "OMUWA NA PANDULWE" OMAIMBILO M.KAMBUDU AAPOSI YOMENGELA
 6. "OMWENYO HAMBELELA OMUWA" ONGUNDU YOSKOLA YOKOKAHAO
 7. "TALA AANTU YOYE" AAPOSI YOKOSIKOLA YOKOMUPANDA OTATU NINGI WO OHUNGI PAINDILO
- PEHULILO LYOHUNGI OTAKU UMBWA ONGALO YOMOSHIKETHA, OPO TU VULE OKULANDA OOFILIMA NEVAANGELI LI TAANDELE KOOMBINGA NOOMBINGA DHA ELOK. OTU NA OOFILIMA TADHI HOKOLOLA, NGAASHI TASHI LANDULA:
IILONGA YONGELEKA
IILONGA YAALUMENTU YOMEHALAKANO
OSHILONGA SHAATSWANA
AAKWANKALA
BOTSWANA
MUPINI SIGO ETOTO
SWAKOPMUND SIGO ENGELA NORANGE
OTATU ULIKE OOFILIMA NDATU MOHUNGI YIMWE
OTU NA WO OMAFANO IHAAGA INYENGE (SLIDS)
OHATU THITHA (HUUR) OSHIKETHA SHI NA ESHINA LYOKUULIKILA OMAFANO, NEHOKOLOLO LYAGO. OHATU PULA OORANDA R3,00 KIIWIKE IYALI.
TSE OTU NA OKULONGA MANGA OMUTENYA, OSHOKA UUSIKU OTAU YA NOKAKU NA NGOKA TA VULU OKULONGA.
OSHINYANGA SHOMAFANO NOMAWI.

Otandi ya wilike ngele haa ende nokugalikana



OMUKWETU

Oye oshifo shOngeleka Onkwaevangeli pa-Luther yomOwambokavango. Oha nyanyangidhwa mOshinyanyangidho shOngeleka mOniipa. Omukuluntu gwoshifo omumbisofi dr. Leonard Auala. Ondando yOmukwetu komumvo muAfrika R 2-60, kombanda yomafuta R 5-00. Omambesitelo pamwe noondando naga tumwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS ONIIPA P/BAG 2013 ONDANGWA 9270